

Dura ReChiShona

SAMPLE



Fedelis J Nyamunda
Caiphus Chibeu

Dura ReChiShona

Gwaro Rechitanhatu

Fedelis J Nyamunda
Caiphus Chibeu

SAMPLE





DURA RECHISHONA
GWARO RECHITANHATU

Published by
Gramsol Books
46 Kwame Nkrumah Avenue,
Harare. 2021
www.gramsol.com
Tel. 0864 420 9124

© Fedelis Nyamandu

© Caiphus Chibeu

© Gramsol Books

The moral rights of the authors have been asserted

Publisher: Sandura Tafadzwa
Managing Editor: Mbono Njabulo
Commissioning Editor: Mabhodyera Ocurage
Development Editor: Midzi Andrew
Typeset by Mlilo Nigel
Illustrations by Mutasa Joseph
Cover Design by Chikanga Francis
Printed by Gramsol Books

ISBN: 978-1-77906-550-6

Chiziviso

Tinoda kuzivisa vaverengi vebhuku rino kuti mitemo yese ine chekuita nekutengeswa kwemabhuku yakachengetedzwa. Hakuna chidimu chebhuku rino chinotenderwa kutsikiswa zvakare, kana kutengeswa nenzira dzinotevera; fotokopi, rekodhin'i, kana sebhuku rinoverengwa pakombiyuta. Vose vanoshuvira kuita izvi vanofanira kupihwa mvumo neGramsol Books maererano ne Copy Right Act, 2004 yebumbiro idzva yemutemo weZimbabwe.

Rutendo

Tinotenda Paul Chirodza, Chiringave Chodeva, naAndrew Mandaza nekudhirowa mifananidzo inosvika makumi mashanu nerimwe yakashandiswa mubhuku rino. Tozotendawo vepapa nhau reKwayedza nekutitenderawo kushandisa nyaya yakanzi, "Ivhu Harisi revauyi: President" neimwe yakanzi, "Dembare Hainyure." Rumwe rutendo rwokuru rwunoenda kune mawebhusaiti peji anotevera nekutipa mvumo yekutora zvidzidzo vakasiyana siyana zvinosanganisira mavhidhiyo nezvimwe zvekuita zvinowedzera ruzivo rwevana. <https://www.youtube.com/watch?v=Q4OuwlC0bs> <https://www.youtube.com/watch?v=RrPfMvdPvqk> <https://miningzimbabwe.com/minerals-of-zimbabwe/> https://www.herald.co.zw/ema-striving-to-protect-zimbabwes-environment-origins-of-ema/http://langmedia.fivecolleges.edu/fileuploads/ctalk_transcripts/zw_1st_grade_folktale_b1e.pdf <https://shona.website> <http://www.denhe.info/gonera/shona/zviru/fasi/fasi.html> <http://kwayedza.co.zw/mazita-anotumidzwa-vanhu-nezvavanoita/> <https://shona.website/2011/01/19/tsumo-nemadimikira-ii/> <https://www.herald.co.zw/lifeline-for-school-dropouts/> <http://www.denhe.info/gonera/shona/zvirungamutauo/fananidzo/fananidzoa.html> <https://totemnetwork.blogspot.com/p/rudo-ibofu-kure-kwegava-ndokusina.html> <https://totemnetwork.blogspot.com/p/rudoibofu-kure-kwegava-ndokusina.html> <http://www.zbc.co.zw/understanding-zimbabwes-coat-of-arms/> <https://shona-lessons.weebly.com/lesson-11---proverbstsumo.html> <http://www.denhe.info/gonera/shona/zviru/nyau/nyau.html> https://www.youtube.com/results?search_query=puberty+for+girls <https://totemnetwork.blogspot.com/p/rudo-ibofu-kure-kwegava-ndokusina.html> https://www.youtube.com/results?search_query=vendors+in+harare+today <http://www.denhe.info/nzvisa/shona/mad.html> <https://www.youtube.com/watch?v=-RDU4G8qcLY> <http://kwayedza.co.zw/kutora-chitambi-inyore/> <https://medlineplus.gov/sexuallytransmitteddiseases.html> <https://www.vacuummania.com/5-deadly-diseases-that-cause-of-our-dirty-home/>

Zviri mubhuku rino

Mamiriro akaita bhuku	iv
Chikamu 1: Mvura Neupenyu Hwezvisikwa.....	1
Chikamu 2: Kushambadza.....	10
Chikamu 3: Zvivakwa.....	18
Chikamu 4: Zvokudya.....	25
Chikamu 5: Nzira YeZimbabwe 1.....	34
Chikamu 6: Nzira Dzekuroorana.....	40
Chikamu 7 Mabasa Emaoko.....	47
Chikamu 8 : Kutandara.....	55
Chikamu 9: Mitambo.....	63
Chikamu 10: Dzidzo Nhaka Youpenyu.....	71
Chikamu 11: Bvunzo.....	76
Chikamu 12: Zvekushanya.....	85
Chikamu 13: Matare Emhosva 1.....	96
Chikamu 14: Kudzidza Kwechimanje-manje.....	104
Chikamu 15: Huwori.....	111
Chikamu 16: Rufu Watipedza Zano.....	120
Chikamu 17: Mubairo Wekushanda Nesimba.....	128
Chikamu 18: Mwaka Yegore.....	136
Chikamu 19: Mitemo/mirairo.....	143
Chikamu 20: Nzira YeZimbabwe 2.....	151
Chikamu 21: Ngano Mubairo Wechivi Rufu.....	156
Chikamu 22: Bvunzo.....	162
Chikamu 23: Zimbabwe Nenyika Dzakaipoterredza.....	171
Chikamu 24: Chigarisano.....	179
Chikamu 25: Chenjerai Mbavha.....	187
Chikamu 26: Zvirwere.....	195
Chikamu 27: Mhirizhonga Mumba.....	202
Chikamu 28: Kuyaruka Kwevana.....	210
Chikamu 29: Zvitendero.....	217
Chikamu 30: Ivhu Neupenyu Hwevanhu.....	225
Chikamu 31: Zvipfuwo.....	232
Chikamu 32: Zvinodhaka.....	240
Chikamu 33: Bvunzo.....	247

Mamiriro akaita bhuku

Vakasvikoti vaizomuendesa kuchikoro gore raitevera sezvo gore rainge ropera. Jokoniya aishanda mabasa ose pasina kutsutsumwa senherera. Tinashere mwanakomana waVaChomu aive nezera rimwe naJokoniya aiera badza. Aizvikanyadza kuti venhamo ndivo vanoita zvokusakura vachitsva nezva. Jokoniya aibopa mombe nokurima akazvibaira gejo. Apedza kurima aindochera mvura chinhabwe, makiromita maviri achisunda zvigubhu mubhara. Aiti akafunga amai yake misodzi yaiti mokoto nematama ukuwo sekuru vachifara kuti vakawana dhongi ravo. Mwedzi waNdira vakasvika vamwe vana vakaenda kuchikoro asi sekuru yake havana kumboti bufu nyaya yake yokuchikoro. Vavakidzani vaVaChomu vakatanga kugununa nemashandisirwe aitiwa Jokoniya. Mbatya dzaakabva nadzo pakashaya amai yake dzaive dzave kuita mamvemve. Akachema kuti chokwadi mudzimu wakupa chironda wati nhunzi dzikudye.

VaChomu vakasvika pamba nguva yerubvunzavaani, vakasvikonzwa kuti pamba paive pasina mvura nokuti Jokoniya haana kundochera. Hapana akagutsikana apo akadzoka achiti chibhorani chaine chafa. Mudzimai waVaChomu akakuchidzira moto mwana akarakashwa nechitorobho zvinzwisa tsitsi. VaChisanu pavakanzwa mhoro vakakanda tsoka vakananga pamba pomuvakidzani wavo. Vakesvikorandutsira vakatora Jokoniya ndokuenda naye kumba kwavo. Mangwana nyaya yakapareira semoto ikaswera yava mumaoko aise Gwaya. VaChomu vakamira pambeni padare ralshe Gwaya muviri uchibvunda kunge rutsanga rwuri mumbura. Vakatinga kureurura nechomumoyo zvavaitadzira muzukuru wavo nyaya yave kudzeyewa padare.



mifananidzo yemandorokwati.

C KUNYORA

NZWISISO

Pindurai mibvunzo inotevera nemhinduro yakakodzera.

1. VaChomu vaiva nehukama hupi naamai vaJokoniya?

- A. Sekuru
- B. Hanzvadzi
- C. Muzukuru
- D. Baba

98

nevazukuru vavo vashanu vevanasikana vavo. Ambuya Chiremwemwa vaiva nevana vatatu dangwe ari mukomana aini Chomu. Chomu aitevera naTama uyo aiva nevana vatatu vaichengetwa naamai vake. Hazvi uyo aiva **chigumaura**, alvavo nevana vaviri avo vaichengetwa zvakare naAmbuya Chiremwemwa. Rhodene rukesheni runowanikwa muMasvingo uko kunogara vanhu vane mari yavo uye vane mabasa epamusoro. Hakungogari tsuro zvadzo dzisina chadzinadzo. Vanhu vazhinji vaikahadzika chaizvo nekugara kwaita ambuya ava kurukesheni urwo sezvo ambuya ava vaingoyavo dzvinyu zvavo risina kana chinhu. Ambuya Chiremwemwa vaigara muimba ine makamuri gumi nemaviri iyo yavaiva vatenga. Vana vavo vose vakanga vasingaseveni zvokuti hapana kana aimbovabatsirawo nemari. Paimba pavo hapana chawaishaya. Chembere iyi yaidya chayaida panguva yayaida. Vazukuru vavo vaichena, kana vachifamba waiti ingirozi chaidzo. Vanhu vazhinji vaiemura upenyu hwaambuya ava asi havana kuiza kuti chakafukidza dzimba matenga.



Ambuya Chiremwemwa vaiva nemusikana webasa uyo aishanda chaizvo. Chokwadi musikana uyo aiva netsika dzinodzadzadzwa mukombe. Pabasa raiva bhiza chairo. Musikana uyo aibvumidzwa kupinda mumakamuri ose edzimba idzi kusiya kweimwechete yapindwa naambuya ava chete. Chaimunetsa musikana uyo ndechekuti kana ambuya vakapindamo vaibva netirangi rakazara mari uye husiku ainzwa muridzo uchiridzwa mukamuri ri. Chokwadi rina manyanga hariputirwi, mumwe musi musikana uyo akarovera moyo padombo ndokuvhura mumba muya. Zvaakona zvakanakanga mate mukanzwa. Akaona rino zinyoka ziguru kwazo rakaungana pamubhedha waivamo. Zinyoka rakatanga kuzvongonyoka rakamutarisa ndokutanga kurutsa mari yekuAmerica yakawanda chaizvo. Musikana akati mhoro kwetsu vanhu ndokumhanya vachiuya. Nenguva pfupi kwazo vanhu vanga vava masvosve vatarisana nemashure aya. Ambuya vakabva vasvikawo nenguva pfupi vachidya magaka mambishi kuti ainge avhura muimba iyi ndiani. Hapana akapindura kusiya kwekungotarisa ambuya ava.

20

Mamiriro akaita bhuku

Basa rekuita pachikamu
chega chega.

KUNYORA

NZWISISO

Pindurai mibvunzo inotevera nemhinduro yakakodzera.

1. Mwanasikana waVaMuchavirega ainzi _____.
A. Mazviita
B. Ruvarashe
C. Nhopi
D. Rudo.
2. Kubva mundima, chiri chaita kuti vakomana vatya kusvitsa mashoko erudo kumusikana?
A. Tsika dzako.
B. Uipi hwake.
C. Runako hwake.
D. Atuka.
3. Ndenipi izwi kubva mundima rinoreva zvimwechete nekuti vakomana?
A. Pfunda.
B. Shirikadzi.
C. Majaya.
D. Tsarakadenga.
4. Pakatora nguva yakareba zvakanini kuti Ruvarashe naMazviita vadanane?
A. Svondo imwe.
B. Mazuva matatu.
C. Masvondo matatu.
D. Mwedzi mitatu.
5. Chiichakapanana Mazviita naRuvarashe sechiratidzo chekudakuzowanana?
A. Nduma.
B. Mbatya.
C. Tsamba.
D. Nharembozha.
6. Ndenipi nzira yekuroora yakashandiswa naMazviita?
A. Yekutizisa.
B. Yemusengabere.
C. Yekukumbira.
D. Yechimutsamapfihwa.

Zviperego

Mudzidzisi wenyu achakuda dzirai mazwi kubva mundima yenzwisiso yamaverenga imi moanyora nerunyorero rwakanaka.

PFUPISO

Nyora plupiso yendima yenzwisiso yawaverenga pamusoro inemanzwi asingadariki makumi matatu nemashanu. Unogona kutanga pfupiso yako uchiti: Dandaro neManezhu zvaiva _____.

Mitinhimira

Umba mazwi uchishandisa mitinhimira yakapfihwa mutafura iri pazasi.

sv				svina
nzv			nzvenga	
tsw			mutswiri	
rw		rw/yu		
zh	zhara			

RONDEDZERO

Mitambo yava kupa raramo kuvatambi vakawanda chose. Chinhu chakakosha chose kuwana mutambo waunoziva zvichida unogona kuzowanawo raramo kubva kumutambo uyu. Nyora rondedzero inemazwi asingadariki zana nemakumi mashanu pamusoro pemutambo wawakawanda ukakufadza zvikuru.

D MUTAURO

Zvimiso

Kana tichionyora tinoshandisa vara guru pakasiyana-siyana. Tinonyora mazita tichitangisa nevara guru uye tinotangisa chirevo nevara seizvi:

1. vachomu murimi mukuru.

Bvunzo dzekupera
kwekotoro yega yega.

Midziyo yemumba

Hari midziyo inoyashandiswa mumba kuita mabasa akasiyana siyana. Pane mhandozhinji dzehari dzinosanganisira tsamba kodzi/ shambakodzi, pfuko, hodzeko/ hombekedzero/shingo.

Shambakodzi ihari inowanzobikirwa sadza.

Pfuko ihari diki inowanzochengeterwa doro kana maheu.

Hodzeko/hombekedzero/shingo ihari inochengeterwa mukaka kuti ukore.

CHIKAMU 1

MVURA NEUPENYU HWEZVISIKWA

SAMPLE

ZVINANGWA

- Kutaura nhaurirano yenjodzi dzinokonzerwa nemvura
- Kuverenga ndima yenzwisiso uchidudumisa
- Kupindura mibvunzo yenzwisiso
- Kunyora pfupiso nerondedzero zvakanaka
- Kuumba mazwi uchishandisa mitinhimira yakapihwa
- Kutsanangura madimikira sekushandiswa kwaakaitwa mundima.

B KUVERENGA

Verengai mazwi aya uye motaurirana zvamunoziva pamusoro pemazwi aya.

kutsvotsvoma kuomba kutuhwina kurisa kumahombekombe

Mvura ine ngozi

Kuti nyaya inakidze kuverenga, munofanira kunyatsodudumisa uye kuverenga muchikwidza nekuderesa izwi pakafanira. Itai majana okuverenga nhaurirano iri pazasi uye mucherechedze zvimiso zviripo.

David, Simbiso naYeukai vaifamba vakatungamidzana vakananga kuchikoro sezvo raiva zuva rekuvhurwa kwezvikoro koto yekutanga yegore. Nyaya dzaitsva, vana vari mudenga rechinomwe vakazadzwa nemufaro sezvo vakanga vava kuenda murugwaro rwepamberi. Waitove muriro wayo shiri kuti vana ava waitowanikwa varipo pachikoro musu wekuvhura. Vaiziva kuti rwendo rwemujecha kutangira pamwe. Mvura yakarara ichitsvotsoma husiku hwese zvekuti vamwe vana vakarambidzwa kuenda kuchikoro nevabereki vavo vachityira kuzara kwerwizi Mutorahuku. Chokwadi rwizi urwu rwainge rwakazara kuti pamu pamu rwuchiomba kunge shumba.

Yeukai: Zvatave kuenda murugwaro rwechitanhatu tichange tichidzidziswa naniko nhai veduwe?

David: (Achinyemwerera) Aaaah! Ko hauzivi here kuti pachikoro pedu varairidzi vamunenge muinavo parugwaro rwechishanu ndivo vamunoenda navo kurugwaro rwechitanhatu. Izvi zviri pachena kuti tichange tiina Muzvare Mhiza.

Simbiso: Totosunga dzisimbe hama dzangu nokuti tichadhamba nokunyora basa ramangwanani. Muzvare Mhiza vanoda vana vanokasika kusvika kuchikoro vachibva vanyora basa ramangwanani.

Yeukai: (Achitaridza kushamisika) Yuwii! ZvaSimbiso vasikana, hauzivi here kuti izvo ndizvo zvinhu zvakanaka chaizvo sezvo zvichibatsira isu kuti tigobudirira muzvidzidzo zvedu. Kubudirira hakuuye wakagara shamwari, unotoshanda. Hakuna muti unokotama kuti ukwire, iwe ndiwe unotosunga dzisimbe kana uchida kukwira. Ini basa ramangwanani ndinorifarira chose.

David: (Achigutsurira musoro) Apa wataura semumhu mukuru Yeu, isu ngatishandei nesimba kuti tigobudirira muzvidzidzo zvedu tigozowanawo mabasa anoita kuti tigozochengetawo vabereki vedu sekutaurwa kwazvinoitwa kuti chirere mangwana chigozokurerawo. Tarisai kutamburirwa kwatinoitirwa nevabereki vedu.

Vatatu ava vanosvika parwizi Mutorahuku vowana rwakati shuku kuzara. Vanoitirana gakava rekupinda sezvo vaive vana vaida zvechikoro vasingafariri zvekurovha.

PFUPISO

Pakunyora pfupiso pane manyorerwo aunotarisirwa kuti unge uchiita. Haano manyorerwo anoitwa pfupiso:

- Verenga unzwisise nyaya yakapihwa
- Nyurura pfungwa huru dziri munyaya
- Batanidza pfungwa dzawasarudza idzi
- Nyora uchishandisa mutauro wako sekunzwisisa kwaunenge waita
- Mukuita izvi usashandisa zvirungamutauro.

Nyora pfupiso yendima yenzwisiso yawaverenga ine mazwi asingadariki makumi matatu nemashanu uchibudisa pfungwa huru.

Zviperego

Kuti mazwi averengeke anofanira kunyorwa nezviperego zvakanaka. Mudzidzisi wenyu achakudaidzirai mazwi kubva munhaurirano yamaverenga, manyorei nerunyoro rwakanaka.

RONDEDZERO

Nyora rondedzero ine mazwi asingadariki zana nemakumi maviri uchitsanangura kukosha kwemvura.

Tevedzera zvinotevera:

- nhanganyaya
- nyora ndima nhatu kana ina dzinotsanangura zvakakoshera mvura
- pendera rondedzero yako nemhedziso inoputira pfungwa dzose dzawanyora.

Mitinhimira

Munhaurirano yamaverenga mune mitinhimira yakasiyana-siyana. Umbai mazwi muchishandisa mitinhimira yakapihwa mutafura iri pazasi yabva munhaurirano iyi.

bh	mubhuku				
ch		chikochikari			
dh			kudhidha		
rw				rwizi	
dzw					tafadzwa

Izwi	Rinopikisa
1. shamwari	
2. kudofoza	
3. usiku	
4. kuserera	
5. idzva	
6. mukuru	
7. kukwira	
8. zvakana	
9. kukasira	
10. vakarambidzwa	
11. kuvhura	
12. varipo	
13. kufara	

Madimikira

Tsanangura madimikira aya sekushandiswa kwaakaitwa munhaurirano yamakaverenga.

1. Nyaya dzaitsva.
2. Kuva mudenga rechinomwe.
3. Mvura yakarara ichitsvotsoma.
4. Totosunga dzisimbe.
5. Kufuga rangu ndega.
6. Kufira mafufu segonzo.
7. Iroro idama.
8. Kuzvidira nduru muziso.
9. Zvakakona n'anga murapwa achida.
10. Kudhamba nekunyora basa ramangwanani.

Ongororo

Itai ongororo yekutsvaka machinjira anoita mvura kubva kune imwe mhando kuenda kune imwe muchibatsirwa nemudzidzisi wenyu. Itai ongororo yezvinotevera:

1. Kuchinja kwemvura inoyerera kuenda kumvura yakaoma sedombo.
2. Kuchinja kwemvura kubva kune yakaoma kuenda kune inoyerera.
3. Kupupuruswa kwemvura kubva kune inoyerera kuenda kune yemumhepo isingaonekwi.
4. Kuchinja kubva kune mvura yemumhepo kuenda kune inoyerera.

CHIKAMU 4

ZVOKUDYA

SAMPLE

ZVINANGWA


- Kutaura ngano dzinoenderana nezvechikafu
- Kubudisa manzwiwo ako pazviitiko zvakasiyana-siyana
- Kugadzira tafura pakombiyuta
- Kuverenga ndima yenzwisiso uchidudumisa
- Kupindura mibvunzo yenzwisiso
- Kuumba zvirevo uchishandisa mazwi akapiwa
- Kunyora zvirevo zvekudaidzirwa
- Kududzira tsumo
- Kunyora rondedzero zvakanaka.

A KUTAURA NEKUTEERERA

Ngano

Itai ngano dzinobudisa chikafu chinodyiwa navanhu. Tauriranai zvidzidzo zvatinowana kubva mungano dzamaita.

Nhaurirano



Muri vaviri vaviri itai nhaurirano yechikafu chinodyiwa navanhu. Budisai zvachinobatsira mumuviri yavanhu.

Kutaura mberi kwevamwe vana

Boka rimwe nerimwe richapiwa mukana nemudzidzisi kuti riende pamberi pekirasi richitaura zvinotevera:

- mhando yechikafu chinovaka muviri
- mhando yechikafu chinodzivirira zvirwere

uye kutengesa zvimwe kuti vawanewo mari. Chokwadi mbudzi kudya mufenje hufananyina uye chitiyo kupinda muzai huona amai, dangwe ravo Fadzai ave kutoita kosi yeurimisi sezvo achidawo kuzove murimisi ane unyanzvi.

Pakagoverwa minda patsva nehurumende yeZimbabwe mugore ra2000, VaMhika ndeumwe wevanhu vakaita rombo rakanaka vakapihwawo purazi rakakura kwazvo. Vakakomberedza purazi iri newaya ine matanda akatsinhana kuitira kuti mhuka dzesango nezvipfuyo zvisapinde. Vakatendererawo purazi iri vachirisakurira muringa mewaya kuitira kuti mbeswa dzavo dzisazobatira moto kubva kunze. VaMhika vanorima chibage chakawanda kwazvo zvine unyanzvi. Vane zvombo zvekurimisa zvinosanganisira matarakita maviri, zvikoforo nemagejo anokwevewa nemombe. Kurima kwavo hakuna divisi mazviri asi kuti vanoza kugadzirira zvose zvinodiwa pakurimwa kwechibage nenguva. Munguva yechirimo mvura isati yatanga kunaya, VaMhika vanochera mufudze mumatanga avo emombe vachiisa mumipanda yepurazi ravo. Mvura ichingoti dhigi, vanobva vatanga kurima nematarakita avo votodyara chibage. Vanodyara chibage chavo nefetizera yepasi kuitira kuti chimere chiine utano. Chibage chavo chinenge chakati zvii kusvibira nekuda kwemupfudze nefetireza.



PLE

Sora parinotanga kubuda vanomhanyidzana naro vachisakura nezvikoforo zvavo kana kuriisa mushonga kuitira kuti chibage chavo chikure zvakanaka chisingavhungwi. Chichangoti pfuurei mabvi, vanochiisa fetireza yepamusoro iyo inoita kuti chinyatsopakata miguri yakakura. Vanogara vaine mishonga yekufiritisa chibage chavo kuitira kuchidzivirira kubva kumakonye. Panguva yekupisa, VaMhika vanodiridzira chibage chavo sezvo vaine dhamu rinogara rakati maku kuzara nemvura.

VaMhika vanowana zvuru nezvuru zvevatani echibage pose pavanorima. Mushure mekukohwa, vanoisa chibage chavo mushonga wekudzivirira zvipfukuto. Chimwe chibage vanotochitengesa kudura reZimbabwe, Grain Marketing Board (G.M.B). VaMhika vanoti vakasarudza kurima chibage nokuti ndicho chinoitwa sadza neruzhinji rwevana vemunyika ino yeZimbabwe uye sadza ndiko kudya kunopa vanhu simba zvoita kuti vakwanise kushanda mabasa

avo akasiyana-siyana. Vachangopedza kukohwa, VaMhika vanotsindikira minda yavo vachigadzirira kuzotangazve kurima.

Nokuda kweunyanzvi hwavo hwekurima, VaMhika vakazowana rubatsiro rwezvinhu zvekurimisa kubva kuchirongwa chehurumende cheCommand Agriculture icho chakatangwa mugore ra2016.



NZWISISO

Pindurai mibvunzo inotevera nemhinduro yakakodzera.

1. Fadzai akasarudza kosi yei?

- A. Yeurairidzi
- B. Yeurimisi
- C. Yeukoti
- D. Yeudhokotera

2. Ndeipi mbeswa inorimwa naVaMhika?

- A. Chibage
- B. Mashava
- C. Mupunga
- D. Mhunga

3. Kubva mundima, sadza rinoita basa rei mumuviri yevanhu?

- A. Rinovaka muviri
- B. Rinodzivirira zvirwere
- C. Rinodziisa muviri
- D. Rinopa simba

4. Mwaka upi unoiswa mufudze naVaMhika?

- A. Chando
- B. Chirimo
- C. Zhizha
- D. Masutso

5. Nemhaka yei VaMhika vachiisa mushonga muchibage chavanenge vakohwa?

- A. Kuti chipfukutwe
- B. Kuti chisapfukutwa
- C. Kuti chinake
- D. Kuti vanhu vasadye

CHIKAMU 8

MABASA EMAOKO

ZVINANGWA

- Kutaura kukosha kwemabasa okuzviitira
- Kuverenga ndima yenzwisiso uchidudumisa
- Kupindura mibvunzo yenzwisiso
- Kunyora rondedzero zvakanaka
- Kunyora manzwi anoreva zvakafanana
- Kuumba mazwi uchishandisa mitinhimira yakapihwa
- Kupedzisa tsumo dzakapihwa
- Kuisa chiturabefu pakafanira.



KUTEERERA NEKUTAURA

Nhaurirano



Muri vaviri vaviri itai nhaurirano muchitaurirana pamusoro pebasa rokusona. Tauriranai kukosha kwemabasa okuzviitira.

Kutaura

Muri mumapoka enyu nyorai pasi mabasa emaoko akasiyana-siyana amunokwanisa kufunga. Boka rimwe nerimwe richapiwa mukana wekutaura pamberi pekirasi mabasa aranyora.

Gakava

'Mabasa okuzviitira ari nane pakushandira kambani.' Muri mumapoka maviri, taurai pfungwa dzinotsigira uye dzinopikisana nepfungwa iyi.

B KUVERENGA

Verengai mazwi aya uye motaurirana zvamunoziva pamusoro pawo.

pundutso muchato dhipuroma vasingadududzi

Kusona

Itai majana okuverenga muchidudumisa ndima iri pazasi uye mucherechedze zvimiso zviripo.

Mazuvano vanhu vave kudzidzira kuita mabasa emaoko sezvo mamwe mabasa ave kunetsa kuwana. Varume nevakadzi vodzidzira mabasa okuzviitira akaita sekuvaka, kusona, zvekupisira uye umakanika. Vazhinji vanoita mabasa ekuzviitira vatori varungu pachezvavo nekuti vanozvitsvagira vashandi nekuvabhadhara. Amai Musoni nemwanakomana wavo Tarisai vanorarama nekusona mbatya vachitengesha. Tarisai akadzidza zvekusona achiri kuchikoro sezvo vadzidzi vave kudzidziswa zvemaoko kuti vawane kuzviraramira. Kune nzvimbo dzinodzidziswa mabasa emaoko zvepamusoro zvakaita sepaHarare Polytechnic, Bulawayo Polytechnic neKushinga Pikelele. Tarisai akadzidzira zvekusona paHarare Polytechnic akawana dhipuroma. Tarisai naAmai Musoni vakatanga kambani yavo yokusona. Vanosona mbatya dzinoenderana nedzinodiwa nevana vechizvino zvino. Vanosonawo yunifomu dzevana vechikoro. Vari kuita mari zhinji kwazvo zvokuti upenyu hwavo hwave kuyemurika. Pavaitanga zvaita kunge dambe asi chokwadi chaitemura chawe kuseva.



Kunyange vedzisvondo vanouyawo kuzosonesawo hembe dzavo dzekusvondo dzavanoendesha kunoshumira Mwari. Mishando yemaoko inopa pundutso. Vakuru regai vakati apunyaira haashayi misodzi, Mai Musona vave munhu pane vamwe. Vemichato ndevamwe vanouya kuzosonesa mbatya dzevaperekedzi. Apa Mai Musona vanopura nyemba nemusana sezvo vemichato vanowanobhadhara vasingadududze. Amai nemwana vatove nevashandi vavo kuratidza kukura kwebasa ravo rekusona. Mari vanotaura yavanoda pasina anopindira uye kuuya pabasa nenguva yavo. Izvi ndizvo zvimwe zvakanakira basa rekuzviitira namaoko ako.



ZVINANGWA

- Kutsanangudza zviripaNational Coat of Arms
- Kutevedzera maimbirwo erwuyo rwenyika
- Kuverenga ndima yenzwisiso uchidudumisa
- Kupindura mibvunzo yenzwisiso
- Kunyora zviperengo zvakanaka
- Kunyora pfupiso zvakanaka
- Kunyora tsamba yebasa zvakanaka
- Kuisa zvimiso pakafanira
- Kuzadzisa zvirevo nemazwi akapihwa.

Kutaura mberi kwevamwe vana

Simuka uende mberi kwekirasi utaurire vamwe huwori hwawakamboona huchiitwa. Mudzidzisi wako achakutora vhidhiyo ozokutaridza.

Kuimba

Hakuna nyika isina rwiyo rwenyika. Nyika yeZimbabwe ine rwiyo runova mucherechedzo wenyika yeZimbabwe. Simukai muruimbe mose sekirasi.

Ngaikomborerwe nyika yeZimbabwe

Simudzai mureza wedu weZimbabwe
Yakazvarwa nemoto weChimurenga;
Neropa zhinji ramagamba
Tiidzivirire kumhandu dzose;
Ngaikomborerwe nyika yeZimbabwe.

Tarisai Zimbabwe nyika yakashongedzwa
Namakomo nehova zvinoyevedza;
Mvura ngainaye minda ipe mbesa;
Vashandi vatuswe, ruzhinji rugutswe;
Ngaikomborerwe nyika yeZimbabwe.

Mwari ropafadzai nyika yeZimbabwe;
Nyika yamadzitateguru edu tose;
Kubva Zambezi kusvika Limpopo,
Navatungamiri vave nenduramo;
Ngaikomborerwe nyika yeZimbabwe.

Zvishuviro zvevana

Taurira vamwe mitemo yaunoda kuti ivandudzwe nehurumende kudzivirira huwori.

Mutambo

Itai mutambo muchiburitsa huwori kana chiokomuhomwe.

B KUPERENGA

Verengai mazwi aya uye motaurirana zvamunoziva pamusoro pemazwi aya.
hudzire mukana huwori umbimbindoga

Chiokomuhomwe chanyanya

Itai majana okuverenga muchidudumisa ndima iri pazasi uye mucherechedze zvimiso zviripo.

Zvimiso

Wakwanisa kunzwisisa nyaya yehuwori nokuti yakanyorwa nezvirevo zvakanaka uye nokuiswa zvimiso pazvakakodzera.

Gadzirisa zvirevo zvinotevera zvimire zvakanaka kuti zvigonzwisika.

1. vachiro vanozivikanwa nehuwori pabasa pavo
2. ndiani akadyisa mombe mumunda mangu
3. pamba pedu tinorima chibage mashamba matere nenyimo
4. rwizi rwemudunhu medu runonzi mushavhutwi rwapedza kuereredza vana vechikoro
5. edwin nyasha gomwe namhaka vanofarira mutambo wenhabvu
6. musikana achangotanga kuputudza anonzi bunha
7. harare iguta guru rezimbabwe
8. vengesai ndiye mukomana anoshambidzika kudarika vamwe vose pachikoro pedu
9. magwavha anongomera ega musango
10. mwana anozvarwa nguva yake isati yakwana anonzi gavamwedzi

Mazwi anoreva zvakafanana

Nyora manzwi anoreva zvakafanana neakapihwa.

1. kukanyanisa
2. shasha
3. pfungwa
4. homwe
5. soso
6. madima
7. kushamba
8. gwara
9. chakata
10. bundo

Chikamu 22: Bvunzo

ChiShona Paper 1

Nguva: Awa rimwe chete nemaminitsi makumi matatu.

Verenga ndima yenzwisiso inotevera ugopindura mibvunzo inotevera.

Mai Shoriwa vaive shirikadzi isina hope kumeso. Kubva zvakashaya murume wavo havana kubvira vabuda muguta reHarare. Vakasara nevana vavo vaviri Tariro naMuchada. Mai Shoriwa vakabatana nemamwe madzimai anoita zvokutenga nekutengesa. Chokwadi apa pakave neukama hwakasimba hwemukombe nechirongo. Vaishanda nesimba kuwana kuriritira mhuri.

Zuva rega rega vaifumobata jongwe muromo vakananga kumusika mukuru weMbare kundohodha muriwo, madomasi nembatatisi zvokuzotengesa kwavo kuEpworth. Chokwadi apunyaira haashayi misodzi, kubva mukutengesa umu Amai Shoriwa vaitowana mari yokushambidza vana vavo nekuvaendesa kuchikoro. Mwanakomana wavo Muchada vakamutengera bhasikoro iro aiendesa kuchikoro. Vana ava havana kurasikirwa nekushaika kwababa vavo sezvo amai vavo vaivawanisa zvese zvavaida. Kana chiri chikafu chaingova saruraude.

Hama dzemurume wavo dzakambovanenera kuti vanoita zvechipfambi kuti vawane kuriritira mhuri yavo. Ivo havana kuora moyo nemakuhwa aya, asi vakaenderera mberi kushanda nemaoko avo. Vana vavo vakazobudirira chaizvo ndokuenda kuyunivhesiti uko vakandoita dzidzo yepamusoro. Nyasha dzakawira kwavari Muchada ndokuva gweta ukuwo hanzvadzi yake ndokuita murairidzi.

1. Murume waAmai Shoriwa aiva _____.
 - A. achisevenza muHarare
 - B. akafa
 - C. mupenyu
 - D. asina shungu nevana
2. Mai Shoriwa vaigara murukesheni runonzi _____.
 - A. Mbare
 - B. Harare
 - C. Epworth
 - D. Kuwadzana
3. Zvinhu zvingani zvaihodhwa naAmai Shoriwa?
 - A. Zviviri
 - B. Zvitatu
 - C. Zvina
 - D. Chimwe

11. Kana wave kutanga kudya zvawapihwa unoti ____ .

- A. nematambudziko
- B. pamusoroi
- C. makorokoto
- D. chishava pavarume

12. Nhonho dzinoita _____.

- A. paziso
- B. pagumbo
- C. pasi petsoka
- D. kumusana

Sarudza izwi rinoreva zvakafanana nerakapihwa.

13. Rushambwa

- A. godo
- B. gudza
- C. munyama
- D. shanje

14. Zhanje

- A. barwe
- B. godo
- C. sora
- D. shuku

15. Dzvokora

- A. tarisa
- B. tora
- C. dzura
- D. mira

16. Gumbezi

- A. mhasa
- B. mbada
- C. gudza
- D. dehwe

Verenga nyaya iyi ugopindura mibvunzo inotevera.

VaMarweza vakaita kunge vachasvimha misodzi pavakawana mombe dzaVaRuwayu dzokwengura chibage chavo mugombo ravo. Chibage chainge chakapakata zvokuti vainge vava kutarisira goho rakakura chose. Vakatinha danga rose remombe gumi nembiri ndokuti tande kwaVaRuwayu. Pavakaki ba-a mombe dzavo dziina VaMarweza, vakabva vaziva kuti zvinhu zvaita manyama

22. Izwi rekuti mahwekwe rinorevei sekushandiswa kwarakaitwa?
A. Vakapesana
B. Vakasangana
C. Vakapopotedzana
D. Vakaregererana
23. Izwi riri mundima rinoreva zvimwe chete nekuti vavakidzani nderekuti _____
A. vakweguru
B. vagarisani
C. rutsanga
D. goho
24. Chii chiri kunzi gombo munyaya iyi?
A. Chibage
B. Munda wakamborimwa.
C. Nzungu
D. Munda mutsva
25. Sei murimi ainge ava kutarisira goho rakakura?
A. Chibage chaive chatsva.
B. Chibage chaive chava nemiguri mihombe.
C. Chibage chaida mvura zhinji kwazvo.
D. Chibage chaive chadyiwa

Verenga nyaya inotevera ugopindura mibvunzo.

Pamba paVaMurambatsvina pane hutsanana hwakandisa mapfumo pasi vanhu vemubhuku mavo maNyarunhande. Vehutsvina vanototya kuisa tsoka dzavo pamba apa. Mai Murambatsvina vanotsvaira pachivanze kunge mumba chaimo. Panoperera chivanze chavo pane gomba rakavakirwa zvakanaka chose iro vanoisa marara. Kana marara awanda mugomba iri vanoapisa nemoto. Vanogadzira pachoto pavo mangwanani oga oga vachirasira madota padurunhuru. Pamba apa pane gomba zvakare rinorasirwa mabhotoro. Magaba vanoakanda muchimbuzi chavo. Chimbuzi ichi chinogezwa zvakanaka chose zvekuti hamuna kana mweya wakaipa unobuda imomo. Pamukova pechimbuzi ichi pane chigubhu chinogara chiine mvura yekugeza maoko kana munhu achinge abuda muchimbuzi. Padivi pechigubhu ichi pane kasipo. Vanovhara makomba anojenga mvura zvokuti umhutu hauna kana pokuberekera.

Vanakomana vavo, Kudakwashe naRuvimbo vanotoziva kuti vanovata ndiro dzasukwa. Izvi zvinoita kuti mumba musaite mapete nenhunzi. Izvi zvipukanana zvinokonzerwa zvirwere. Vakomana ava vanoita mabasa ose epamba sezvo vasina hanzvadzi inovabatsira. VaMurambatsvina vane imba hombe ine makamuri matanhatu. Vakomana ava vanorongedza nekutsvaira mumba umu zvinonwisa

CHIKAMU 24 CHIGARISANO

ZVINANGWA

- Kutaura ngano
- Kuteerera nhau
- Kuita nhaurirano pamusoro pezvakanakira chigarisano
- Kuverenga ndima yenzwisiso uchidudumisa
- Kupindura mibvunzo yenzwisiso
- Kuumba mazwi uchishandisa mitinhimira yakapihwa
- Kupedzisa tsumo
- Kuita gakava pamusoro peunhu nokugarisana kwakanaka
- Kunyora rondedzero zvakanaka.



KUTEERERA NEKUTAURA

Nhaurirano

Muri vaviri itai nhaurirano pamusoro pezvakanakira chigarisano.

Zvishuvo zvevana

Ndezvipi zvaunoshuvira kuti vanhu vaite kuti vagarisane zvakanaka?

Gakava

Muri mumapoka maviri itai gakava pamusoro unoti, 'Hunhu hunoita kuti chigarisano chive chakanaka.'

Detembo

Gadzira detembo pamusoro pechigarisano chakanaka.

Kutaura mberi kwevamwe vana

Muri mumapoka enyu, nyorai zvinhu zvinoratidza chigarisano chakanaka. Mudzidzisi wenyu achapa boka rimwe nerimwe mukana wekuti ritaure zvaranyora.

Mutambo

Muri mumapoka enyu, gadzirai mutambo unobuditsa zvinoitwa nevavakidzani vane chigarisano chakanaka. Mamwe mopoka anogona kuita mutambo unobuditsa zvinoitwa nevavakidzani vane chigarisano chakanaka.



NZWISISO

Pindurai mibvunzo inotevera nemhinduro yakakodzera.

1. Ndechipi chinhu chakanganisa unhu hwevana mazuva ano?
 - A. Kuenda kukereke.
 - B. Kutamba mahumbwe.
 - C. Kutora zvinodhaka.
 - D. Kurovha kuchikoro.
2. Munhu anokwanisa kupenga kana _____.
 - A. afarisa
 - B. auraya munhu
 - C. achifarira doro
 - D. averengesa mabhuku
3. Ndeipi mhuka inogara ine maziso akatsvuka?
 - A. Shava
 - B. Rwaivhi
 - C. Shumba
 - D. Rovambira
4. Dimikira rokuti 'kuzvipinza muna taisireva' rinorevei?
 - A. Kuzvipinza mumatambudziko.
 - B. Kupinda mumafaro.
 - C. Kunyunyuta
 - D. Kunzwisisa
5. Ndezvipi zvinodhaka zviviri zvataurwa mundima?
6. Vane hama dzinopenga vanovhunzira chikonzero kupi?
7. Nyora matambudziko maviri anokonzereswa nezvinodhaka.
8. Vanasikana vanoita zvokudhakwa vanokwanisa kusangana nematambudziko api maviri?
9. Vana vanoita zvokudhakwa vanawonekwa sei pachikoro?
10. Mbavha dzinobira vanhu vanobva kumabasa dzinoshandisei mari yacho?

PFUPISO

Uchitevedza manyorerwo epfupiso awakadzidza, nyora pfupiso yendima yenzwisiso yawaverenga ine mazwi asingadariki makumi matatu nemashanu.

Tsamba

Nyora tsamba ine mazwi asingadariki zana nemakumi maviri kushamwari yako yava kutora zvinodhaka uchiitsanangura zvakaipira kuita izvi.

Zviperego

Verenga zvakare ndima yenzwisiso uchitarisa manyorerwo akaitwa mazwi. Mudzidzisi wenyu achakudaidzirai mazwi anobva mundima yenzwisiso imi moanyora nerunyorero rwanaka.

D MUTAURO

Mitinhimira

Umba mazwi uchishandisa mitinhimira yakapihwa mutafura iri pazasi.

rw	rwodzi				
mbw		sambwarambwambwa			
shw			yakakoshwa		
sw				swedera	
pw					kupwereka

Mazwi anoreva zvakafanana

Nyora mazwi anoreva zvakafanana neanotevera.

1. matakanana
2. nhamo
3. madekwani
4. dondo
5. gurwe
6. rudhe
7. ibwe
8. tsekwende
9. chirugu
10. rukweza

Nyauzosingwi

Zadzisa zvirevo zvinotevera nenyauzosingwi yakakodzera.

tuzu
pfau

pwati
go

gada
tana

bvaru
tucha

mwii
dhuu

1. Rokwe rangu rakahakwa newaya rikati _____ kubvaruka.
2. Vakomana vakaramba vakatarisa Monalisa kuti _____ apo aienda kuchikoro.
3. Paakabvunzwa nezvemari yaive yashaikwa mumba akati _____ kuramba kuti amboiona
4. Mudzidzisi akataura nyambo vana vakati _____ kuseka.
5. Sekeru vakasvikoti _____ kurara pasi pomuti.
6. Bazi romupfura rakanzi _____ nemhepo.
7. Ruvimbo akasvikoti _____ parutivi rwatete vake ndokufunya chisero.
8. VaGusa vakati _____ kufunga mudzimai wavo akatisiya gore rapfuura vakatanga kuchema.
9. Mutsa akasvikirwa achikokota dovi akaramba akati _____ akatarira amai vake.
10. Rwizi rwainge rwakazara kuti _____ nemvura.

Zvimiso

Gore rino tadzidza kushandisa zvimiso zvakasiyana-siyana, sekuti:

1. "VaMidzi mazobudurira here kutenga chingwa, hupfu, mafuta okubikisa, madomasi nomunyu?," ndiAmai Museta vaibvunza.

Nyora zvirevo zvinotevera uchishandisa chifemo, chibvunzo, vara guru nezvivhura uye zvivhara pakakodzera.

1. sekuru vagawa vakatenga mbudzi huku makwai nehanga nezuro akadaro Sarungano.
2. vamarekera vakadzungudza musoro vakati dai kuri kare kwangu maidai makwana neshamhu. Tauriranai mugondiudza chokwadi.
3. mudzidzisi wedu akati handidi kunzwa munhu anoputa zvinodhaka.
4. vadube vamuseta navatagwirei vabva pano vakananga kwashe dizanadzo.
5. muchaenda kutsime nguvai nhai vakomana vakabvunza varwizi.
6. nhasi kuchikoro tapiwa basa reshona svomhu nerechirungu nditakunda aitauro.
7. kana kwadoka ngwarirai mapere. vamusoni vakadzinganiswa naro madeko. babamukuru vakaudza munin'ina wavo.
8. ko ndiani achandifudzira mbudzi nemakwai angu veduwe vakabvunza vamahachi.
9. ndanga ndisipo pavanga vachirwa akaramba panashe.

Pedzisa tsumo dzinotevera zvakanaka.

35. Seka urema _____.

- A. wayaruka
- B. huudzwa
- C. chinoshura
- D. wafa

36. Rume rimwe _____.

- A. haritswanyiri inda
- B. harikombi churu
- C. masimba mashoma
- D. hachisi chako

Ipa izwi rinopikisana nerakatarwa

37. Huni idzo inyoro .

- A. dzakaoma
- B. dzakareba
- C. dzakakombama
- D. ipfupi

38. Mwana wedu akarara.

- A. akasvinura
- B. akavhura
- C. akateya
- D. haaoni

Mazita

39. Musikana akanaka zvikuru anonzi _____.

- A. tsikombi
- B. chipukandipemwenje
- C. tsvimborume
- D. tsvarakadenga

40. Mukadzi akafirwa nemurume anonzi _____.

- A. shirikadzi
- B. tsikombi
- C. tsvingu
- D. mhanje

ChiShona Paper 2

Nguva: Awa rimwe chete nemaminitisi makumi mana ane shanu.

Chikamu chokutanga: Rondedzero (zvibodzwa: makumi maviri)

Sarudza musoro mumwe chete kubva pane inotevera ugonyora muChiShona chakanaka rondedzero kana hurukuro ine mazwi anosvika zana nemakumi maviri. Kana iri tsamba mutumbi wayo ngauve nemazwi anosvika zana nemakumi maviri.

1. Nyora rondedzero uchitsanangura nzira dzakasiyana dzokufambisa nadzo mashoko mazuva ano.
2. Nyora tsamba kumukuru wenzvimbo yamakashanyira uchitenda mabatiro avakakuitai panguva yamaiva panzvimbo pavo.
3. Tsanangura mabasa ebudiriro anoda kuitwa mudunhu menyu kuti musimukire.
4. Nyora rondedzero uchitsanangura zuva rawakarasika mudhorobha.
5. Nyora hurukuro pakati pevana vaviri vari kutaurirana pamusoro pezvinodhaka.

Chikamu chechipiri: Nzwisiso (Zvibodzwa gumi)

Verenga nyaya inotevera ugopindura mibvunzo yakapihwa nezvirevo zvizere zvakaumbwa zvakanaka.

Bakuro yakaonesa vanhu vemubhuku raVaChomuyeke chamutavanhava. Mombe iyi haina bindu rayaizeza kupinda. Mai Danda vakakandiswa mapfumo pasi nemombe yeumai yavakaroorerwa padangwe ravo Vimbainashe. Vakapembera nomufaro pavakaudzwa nevakuwasha vavo asi havana kufungira kuti mufaro uchafuva. Bakuro yakatanga kuita mashiripiti okupwanya mapindu ichidya muriwo kana matomatisi payakaita mwana wayo wokutanga. Bindu risina sose rakakwirira yaingosvetukira mukati yosvikodya zvayo rifa. Aitoda kuwana chouvirira aitogarira zuva rose nokuti ikadarika nepo waisara wakabata maoko. VaChomu vakambodyirwa vakaripisa Mai Danda madhora gumi nematatu avaitaisira kuwana pavaida kuenda kundotengesa muriwo wavo kumusika. Vakabvisa mari iyi sezvo vaida kugarisana nevamwe murunyararo. Mwanakomana wehanzvadzi yavo Farai akauya achivakoka kumuchato wake nechimhandara Shungu. Vakafara chose ndokuchaira nhare hanzvadzi yavo kuti mombe yeusavi ndivo vaizobvisa kuti vanhu vawane kudya musi wemuchato. Mhuru yaBakuro yaive yayaruka, mai vayo vave pedyo kunoma zamu. Musi wa17 Nyamavhuvhu 2017 vanhu vakafara pamuchato vamwe vachikurukura nezvaBakuro kuti vaiva vombofurwa nemhepo.

Mibvunzo

1. Mombe yaitambudza vanhu yainzi ani? (1)
2. Mai Danda vakawana kupi mombe iyi? (1)
3. Ndiani aiva dangwe raMai Danda? (1)
4. Mai Danda vakabhadharirei mari kuna VaChomu? (1)
5. Dimikira rokuti 'kukandiswa mapfumo pasi' rinorevei sekushandiswa kwairaitwa mundima? (1)
6. Nyora pfupiso yendima iyi nemazwi makumi matatu nemashanu (5)